

Na osnovu člana 4. Odluke o utvrđivanju uslova za ostvarivanje prava učešća građana u dodjeli pčelarske opreme na području Općine Stari Grad (košnice tipa LR) broj: 01-05-4-401/15 od dana 16.02.2015.godine, Načelnik Općine Stari Grad Sarajevo objavljuje:

JAVNI POZIV
za predaju zahtjeva za dodjelu pčelarske opreme (košnice tipa LR)

1.PRAVO PRIJAVE NA JAVNI POZIV

Pravo podnošenja prijava za predaju zahtjeva za dodjelu pčelarske opreme (košnice tipa LR) imaju pčelari sa mjestom prebivališta i košnicama sa pčelarskim društvima (pčelinjake) na području Općine Stari Grad.

2.USLOVI ZA DODJELU PČELARSKE OPREME (košnice tipa LR)

Pravo na dodjelu pčelarske opreme mogu ostvariti pčelari koji ispunjavaju navedene uslove:

Uslovi za ostvarivanje prava učešća pčelara su:

Opći uslovi :

1. Da podnosilac zahtjeva ima mjesto prebivališta, zemljište i košnice sa pčelarskim društvima (pčelinjak) na području Općine Stari Grad;
2. Da je zakonski korisnik zemljišta (vlasnik, suvlasnik, nosilac prava korištenja i slično);
3. Da košnice sa pčelarskim društvima pripadaju poljoprivrednom gazdinstvu, odnosno da su na posjedu gdje podnosilac zahtjeva stanuje;
4. Broj članova poljoprivrednog gazdinstva i da u okviru gazdinstva žive minimum dva radno sposobna člana.

Posebni uslovi:

1. Da poljoprivredno gazdinstvo sa košnicama pčela nije u blizini glavne saobraćajnice.
1. Da poljoprivredno gazdinstvo ima do 10 komada košnica sa pčelarskim društvima sa tri, dva ili jedan nastavak sa svim dijelovima koji čine košnicu (podnica, ramovi, hranilica i limeni krov).
2. Da poljoprivredno gazdinstvo u košnicama sa pčelarskim društvima imaju prinos po košnici najmanje 5 kg.
3. Da poljoprivredno gazdinstvo ima do 5 pojedinačnih komada nastavaka sa pratećim dijelovima i pčelarskim društvima.
4. Da poljoprivredno gazdinstvo koje tek počinje sa pčelarenjem ima u blizini voćnjak potreban za prinos meda i vodu za pčele.
5. Da poljoprivredno gazdinstvo ima tradiciju u pčelarenju (proizvodnja meda i prerada pčelinjih proizvoda).

Svaku tačku navedenih uslova, za svakog pčelara, na terenu će konstatovati Komisija za dodjelu pčelarske opreme (u daljem tekstu: Komisija) koju imenuje Općinski Načelnik, sačiniti foto dokumentaciju i nakon terenskog obilaska, formirati zapisnik.

3.POTREBNA DOKUMENTACIJA

Uz zahtjev za dodjelu pčelarske opreme potrebno je priložiti dokaze o ispunjavanju uslova iz Javnog poziva kao i druge dokaze, originale ili ovjerene fotokopije dokumenata koji ne mogu biti stariji od 6 mjeseci:

1. Dokaz da je zakonski korisnik zemljišta: Prepis posjedovnog lista nadležne općinske službe ili kupoprodajni ugovor zakonski ovjeren;
2. Kopija lične karte i kopija prijave o mjestu boravka za podnosioca zahtjeva i
3. Kućna lista.

4. PODNOŠENJE ZAHTJEVA I DOKUMENATA

Obrasci zahtjeva za dodjelu pčelarske opreme mogu se podići u šalter Sali Općine Stari Grad. Zahtjevi sa pratećom dokumentacijom se predaju na šalteru protokola u zgradi Općine Stari Grad, ulica Zelenih beretkibr.4, sa naznakom: Služba za privredu - Prijava na **Javni poziv za dodjelu pčelarske opreme**

Sve dodatne informacije mogu se dobiti u Službi za privredu, soba 416, IV sprat.

5. PROCEDURA DODJELE PČELARSKE OPREME

Proceduru dodjele pčelarske opreme pristiglih zahtjeva izvršit će Komisija za dodjelu pčelarske opreme terenskim obilaskom pčelinjaka svakog prijavljenog pčelara, formiranja foto dokumentacije i sačinjavanje zapisnika (tabelarno). Svako lice kojem po ovom Javnom pozivu bude dodijeljena pčelarska oprema na dan dodjele potvrdit će potpisom o prijemu opreme.

6. FINANSIJSKA SREDSTVA

U okviru pozicije Projekti iz oblasti pčelarstva, obezbjeđuju se sredstva iz Budžeta Općine Stari Grad Sarajevo za 2015.godinu u okviru kojih će se izvršiti nabavka i kupovina pčelarske opreme.

7. NAPOMENA

1. Zahtjevi sa nepotpunom dokumentacijom neće biti razmatrani.
2. Rok za podnošenje prijava na Javni poziv je 10 dana od dana njegovog objavljivanja na Oglasnoj ploči Općine i oglasnim pločama Mjesnih zajednica Općine Stari Grad Sarajevo i Službenim novinama Kantona Sarajevo.
3. Proceduru odabira pristiglih zahtjeva izvršit će Komisija za dodjelu pčelarske opreme. Odluku o dodjeli donosi Načelnik Općine Stari Grad na prijedlog Komisije.
4. O rezultatima Javnog poziva svi učesnici će biti obaviješteni putem Oglasne ploče Općine Stari Grad i pismenom obavijesti, a mogu se i lično informisati u Službi za privredu, soba 416, IV sprat.

OPĆINSKI NAČELNIK

mr.Ibrahim Hadžibajrić, s.r.

Sarajevo, 23.02.2015. godine.

